

Soma partì da le nòstre ca ch'a j'era 'n prima sèira, për venive a saluté, deve la bon-a sèira, për venive a saluté, deve la bon-a sèira. Canta, canta cantarin, ò canta la pì bela, la padron-a s'a l'ha senti a 'nvisca la candela, la padron-a s'a l'ha senti a 'nvisca la candela. Guardelo lì col fratocin ch'a l'è daré dla pòrta, chiel o speta lo rigal che la padron-a a-j pòrta, chiel o speta lo rigal che la padron-a a-j pòrta. Ò se 'n costa casa-sì, s'a-i è na sposa brun-a, st'ann ch'i ven a si di-sì, farà brandé la cun-a, st'ann ch'i ven a si di-sì, farà brandé la cun-a. Ò se veuli dene dj'euv de le vòstre galin-e, a l'han dine ij vòstri avzin ch'evi le còrbe pin-e, a l'han dine ij vòstri avzin ch'evi le còrbe pin-e. Ò se veuli dene dj'euv de la galin-a bianca, a l'han dine ij vòstri avzin ch'a son tre dì ch'a canta, a l'han dine ij vòstri avzin ch'a son tre dì ch'a canta. Ò se veuli dene dj'euv de la galin-a rossa, a l'han dine ij vòstri avzin ch'a son tre dì ch'a possa, a l'han dine ij vòstri avzin ch'a son tre dì ch'a possa. E se 'n costa casa-sì, sa-i è d'fra gent morèive, lor a pijo la pinta 'n man e peuj an dan da bèive, lor a pijo la pinta 'n man e peuj an dan da bèive. Ringrassioma signor padron e 'ncora la padron-a e se lor son stá content, n'áutr ann ritorneroma, e se lor son stá content, n'áutr ann ritorneroma. ----- E se 'n costa casa-sì sa-i è na gran sicin-a, che jë schèissa 'l cu al gal e 'ncora a la galin-a! Che jë schèissa 'l cu al gal e 'ncora a la galin-a!	<i>Siamo partiti dalle nostre case sul far della sera, per venirvi a salutare, darvi la buonaseira, per venirvi a salutare ...</i> <i>Canta, canta, canterino, oh canta la più bella, la padrona se ha sentito, accende la candela, la padrona se ha sentito, accende la candela.</i> <i>Guardatelo lì quel fraticello, che è dietro alla porta, lui aspetta il regalo che la padrona gli porta, lui aspetta il regalo che la padrona ...</i> <i>Oh, se in questa casa c'è una sposa bruna Tra un anno, in questi giorni, farà dondolare la culla, tra un anno, in questi giorni, farà ...</i> <i>Oh, se volete darci delle uova delle vostre galline, ci han detto i vostri vicini che avete le ceste piene, ci han detto i vostri vicini ...</i> <i>Oh, se volete darci delle uova della gallina bianca, ci han detto i vostri vicini che son tre giorni che canta, ci han detto i vostri vicini ...</i> <i>Oh, se volete darci delle uova della gallina rossa, ci han detto i vostri vicini che son tre giorni che spinge, ci han detto i vostri vicini ..</i> <i>E se in questa casa qui c'è della gente generosa, loro prendono il fiasco in mano e poi ci offrono da bere, loro prendono ...</i> <i>Ringraziamo il signor padrone e anche la padrona, se loro son stati contenti, un altr'anno ritorneremo, se loro sono stati ...</i> ----- <i>E se in questa casa qui, se c'è una grande siccità, che secchi il sedere al gallo e anche alla gallina. Che secchi il sedere al gallo ...</i>
---	--